



Broj: 01-49-789/19-4

Datum: 6.11.2019. godine

Na osnovu člana 69. stav 2. tačka e), člana 70. stav 1., 4. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-49-789/19-3 od 5.11.2019. godine, načelnik Općine Travnik, **donosi**

RJEŠENJE o poništenju postupka javne nabavke

- 1) Poništava se postupak javne nabavke robe: „Nabavka i isporuka građevinskog materijala za sanaciju stambenih objekata raseljenih lica na području Općine Travnik“, bez podjele na lotove jer je cijena prihvatljive ponude za navedene robe znatno veća od osiguranih sredstava.
- 2) Za izvršenje ovog Rješenja zadužuje se Služba za obnovu, izbjeglice, raseljena lica i stambene poslove
- 3) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama
- 4) Ovo Rješenje stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

Obrazloženje

Postupak javne nabavke robe – „Nabavka i isporuka građevinskog materijala za sanaciju stambenih objekata raseljenih lica na području Općine Travnik“, bez podjele na lotove pokrenut je Rješenjem o pokretanju postupka javne nabavke broj: 01-49-789/19 od 4.10.2019. godine. Javna nabavka provedena je putem otvorenog postupka javne nabavke, za kojeg je objavljeno Obavještenje o nabavci broj: 54-1-1-145-3-87/19 od 7.10.2019. godine i „Službenom glasniku BiH“ broj 69/19. Procijenjena vrijednost nabavke iznosi 183.760,00 KM bez PDV-a.

Komisija za javnu nabavku imenovana je Rješenjem broj: 01-34-16-589/19 od 29.7.2019. godine te je shodno članu 63. Zakona o javnim nabavkama („Službeni glasnik BiH“ broj 39/14) izvršila javno otvaranje u roku dostavljenih ponuda u sjedištu ugovornog organa. Javnom otvaranju ponuda je prisustvovao ovlaštenu predstavnik ponuđača „Pero“ d.o.o. Zenica. Dostavljanje kopija Zapisnika o otvaranju ponuda izvršeno je u zakonskom roku prema učesnicima u postupku nabavke.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da je ukupno prispjela 1 (jedna) ponuda;
- Da je blagovremeno zaprimljena 1 (jedna) ponuda,
- Da je ponude ponuđača „Pero“ d.o.o. Zenica prihvatljiva.

Obzirom na to da je ugovorni organ u tenderskoj dokumentaciji i Obavještenju o nabavci predvidio primjenu e- aukcije, ista nije održana u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) kojim je propisano da, u slučaju prijema jedne prihvatljive ponude, e-aukcija se ne može održati, već se postupak nabavke okončava u skladu sa članom 69. Zakona.

U postupku je utvrđeno da je Komisija u svemu pravilno postupila, te da je preporuka o poništenju postupka nabavke data u skladu sa Zakonom o javnim nabavkama. Naime, u postupku predmetne nabavke utvrđeno je da je cijena prihvatljive ponude znatno viša od osiguranih sredstava za predmetnu nabavku, odnosno procijenjena vrijednost nabavke je 183.760,00 KM bez PDV-a, a cijena prihvatljive ponude iznosi 217.664,70 KM bez PDV-a.

Iz navedenih razloga, primjenom člana 69. stav 2. tačka e) Zakona o javnim nabavkama, odlučeno je kao u članu 1. ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od deset dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđaču x 1
2. Arhiva.

